



4 831350

雙白燕堂詩卷第七

甲申至巳丑

北行雜詩十二首

并序

武進陸耀通劭文

吳布政勸駕益切爰以小除日自杭同發四年正月五日過常州十一日渡黃登陸二月朔日抵都述別紀行即邀布政同作

郵程篤促辟書催臘鼓聲中放櫂回別路羣公勞贈策

謂陳香谷朱虛舟兩撫部陳厚甫兵備趙季由方蓮航兩太守呂幼心王竹煥兩司馬程臨海惲嘉善萬吳初莊卿珊周伯恬方彥聞張彥惟趙深慚師友翹車往嘉 子光吳碩甫洪文然董子遠諸子深慚師友翹車往嘉 科辰科武進莊達甫陽湖龔楚香今 不問家人誓墓 科陽湖輝吉士江陰祝子常皆未應徵

雙白燕堂詩集卷七

一

來已駐鳴騶維畫鷁須叩京口並帆開布政過常先發俟予渡江

孚濫猶叨禮遇偏彙征差喜拔茹連臺端論秀煩三聘

江蘇徵薦經孫節相魏韓兩撫部論定 江左知名忝七賢疏請送部七人 猥以中

年觀上國偶從後乘著先鞭恩恩錄別書難徧致語汪

倫各擘箋道出邢上屬儀徵汪子全謀告別同舉諸君

煙雨疏篷作歲朝元日過湖計應馬上度元宵傳柑節近

風猶冷削麥天晴雪漸消腰鼓晚喧來社火牙旗春影

過谿橋可能綰得離人住長短郵亭柳萬條

驚春惜別柳依依穉碧嬌黃葉尙微小草出山慚驥附

雜花當路待鸞飛班兵下相英雄晚賞酒新豐故老稀

跋馬放懷豪似昔南徐落日上行衣



天節回瞻想玉珂長淮南北使星羅疏條漕運來何速  
書第河渠續漸多備澇稍知溝洫利淮徐二郡頗治溝塍占年難

得雨暘和昇平詎止行人福試聽春塍擊壤歌

峒崕山北去漫漫郊子遺城比彈丸夜月聞雞人起早

春風如虎客衝寒冰融轍路漸逾激霜滿旃袍氣未乾

苦憶故人吳季重十年賓閣異悲歡吳曹州丈始任郟城

渡沂相左鎮愁予相見東蒙一駐車廉吏子孫真乞食

歧途兄弟互牽裾依人各瘦宜加飯待我同歸慰索居

再娶單身最憐汝遠攜弱息課三餘訪次懷從弟於沂不值越二日見於

然話別

吹雨吹晴任曉風夢中雙轂到山中近兼鄒魯分封古

雙白燕室集卷七

二

尊統云亭太嶽崇形勝地回青嶂北

時巡人望

翠華東數程犖確征車殆愧說蒲輪馬步工

不斷遙青折似環齊州幾點列煙鬟扶輿氣磅礴方千里

望秩儀隆第一山赤道中行通日觀碧霞高落見天關

上書未敢陳封禪知負求賢

詔語頒

出山已覺短轅輕回數羣峯暮靄平莽莽齊東誇表海

勞勞趙北達神京長身索米憐臣朔知已投鞭感相

嬰畢竟此邦多嗜學停車同訪獻王城

廿年朋輩望征輪此日來看



帝里春燈火宣南曾入夢

叔父祁孫先生嘗寓宣武門外有宣南詩集宋表弟翔鳳

作城南燈火

風花薊北可宜人繞牆直欲尋千首宿草

空思贖百身

謂張臯文錢持美錢申甫徐性夫李游庭金明甫江安甫諸先友

況揭董

帷求賸稿祝予那不涕沾巾

董生方立著作精邃以去秋溘逝

來去春程續續吟被偷格律哂知音

布政前之官闈臬有春程詩十二首

今仿龍門百尺攀猶隔

進師座主

雁宅三秋感最深

餘事詩篇推作手下交金石證同心

獐花犴鳥天南路

又上征鞍寫別襟

附同作次韻

吳榮光荷屋

不住春旛臘鼓催官郵一夕看星回國門諸老勞分

袂江上羣侯更舉杯南北百程為客始

余由浙至京由京至黔計

雙白燕堂詩集卷七

三

須百賢良三策得朋來先生應徵同行沿途瑞雪沿畦麥敬

告民依

黼座開

鎮日東風拂纜偏似遲吾發借畱連看雲每數山吳

越話雨都忘酒聖賢

余與君俱不解飲

豈有循良煩卧轍

時老幼士女皆擁送

重憐去住一停鞭扁舟客夜清于水好寫

吟懷共擘箋

歲莢先開第一朝雙籬纔得穩酣宵身經曉陸風初

肅夢借春江雪暫消煙雨樓臺虛入畫鴛鴦湖港暖

通橋由拳門外巡行地慚愧人歌蔽芾條那人送行詩禾郡最

多



澤國三吳車輔依我行猶欲問防微關心鄰壑其魚  
恐回首秋塍有雁飛秋去歲湖海沿洄求治急柳淞條  
貫嘆才稀具區終古存溝洫想望卑宮與惡衣

忽覺韶光到佩珂焦先祠下浪如羅大江一笑春方  
到新月半弓寒尙多瓜步水柔千艇集竹西風軟六  
么和與君人日同爲客青眼相望且放歌

霜鐘月柝夜微漫送盡長途烏兔九修禊沂川今水

逝問官鄰國古雲寒大名諸葛鄉猶在著姓琅琊漏

已乾不信與君譚近事長安棋局幾悲歡連日講西

手折楊枝一感予此途煩證七驅車勞生歲月天涯

鬢大道風塵客子裾與汝逢春多別緒於人何事賦

雙白燕詩集卷七

四

離居他年五樹能偕隱尙有門前半畝餘

闌珊初過試燈風又感新年月正中天上萬花宵禁

啟圓明殿前三接畫筵崇上元日曲聞雞廓落長

河北策馬迢迢表海東火樹春明尙如昨江關人愧

賦難工

會躡峯頭萬步環余以嘉慶丁卯十月登泰山觀日出手擎初日照煙

鬢憑高凜凜疑無地何處巖巖更有山碧盡東封開

魯秩青連南紀認吳關層雲飛鳥相將過誰見金泥

玉檢頌

攬盡齊州九點輕宗峯之外衆峯平傲如螯阜仍低

拜小似龜山敢與京古姓聚居依澗壑春祈奔走及



童嬰進香人甚多行人亦有為霖祝願沛雲膚遍百城望

雨頗切

峒山過後快蹄輪又看蒼茫北地春幾點星辰樂陵

里一塵雞犬晏城人重經漕淀懷前節丁卯視漕旋津曾到景州

若說瀛洲愧此身河間府有十八學士登瀛洲處滿路飛埃風似熾

倚誰為贈辟塵巾

不盡山吟與水吟桑乾橋畔有清音英雄今古消磨

易少壯交遊感慨深鴉薦江南方快意馬空薊北定

從心屬君努力丹霄路他日重逢證素襟

沈太原瑒以讞獄牽註謫戍烏魯木齊送別四首

逐臣承檄戍西戎衝暑鞭塵起朔風對簿臺端詞落落

雙白燕堂詩集卷七 五

荷戈塞下別怱怱玉關曉鑰隨邊馬銀磧秋弦放蚤鴻

幾日雷題白雲庫可應獄吏識文通君在部兼旬得詩數十首

還鄉何日借明駝裂帛重翻勅勒歌見說白山連紫塞

願疏黑水達黃河雪花如席寒偏早沙草迎笳響漸多

悵望累他蘇蕙子泣挑錦字寄連波

爛柯人說倚枰時屈指長安覆局棋單騎看擒司竹盜

嘉慶十九年岐軍與君自盤匿入山立擒巨猾勝遊賭寫嶽蓮詩道光初元借遊太華

廿年結客同憂樂萬里投荒感合離君已休官吾就辟

夜行瞎馬欲何之

幾度河梁手暫分驪駒新唱不堪聞捧環絕域瓜剛熟

歸杖荒畦草待芸蠹舍魚莊通甫里槿籬萌棟稱休文



函關侯吏壺關老更有蒼生望使君晉秦兩省多君舊治

八月十六日

詔試 太和門內卷呈最後

上拔取第四越六日 圓明園引

見奉

旨以教職用恭紀四首

授簡分曹白玉堂 太和門裏 殿東廊丹豪濡染

天題溼黃靶飛傳

御路長吏部堂官自御園請本計勤求周稼穡

制科親策漢賢良試以公慎舉薦少年同學多官貴下

筆爭觀擁堵牆謂恒心農裘漁橋兩選部金子彦

雙白燕詩集卷七

六

几硯隨陰傍人窻花磚移避影幢幢口晨移席和門左塾窻下萬

言文史譚何易三策天人氣已降

乙覽過叨班在四丁年忝說士無雙劇憐幾許飛花卷

老我寒檠二等缸

引對延英 朵殿開五雲扶日上蓬萊煙蓑漫博羣仙

笑香袖攜聯

九陞來名誤公卿推樸學任論以耀通與昌平王萱齡為南北宿學

鑒懸咫尺愧翹才至公得就閒官職榜散原同雨露裁

年力將衰志事休量才深荷

主恩優業荒熊膽幸先訓累重猪肝感昔遊士本極寒

官亦冷壯猶自棄老何求祇期教學能相長炳燭餘明



勉報酬

題滁州馮少渠同年震東空山吟趣圖余時有南

昌之行卽以紀別

朝詠空山春暮嘯空山秋吟聲遏雲雲不流詞客久被  
山雲畱山雲出山欲爲雨一山猿鶴生離愁勞勞三駐  
西征策看遍環滁好山色君戀名山我抗塵十載聞聲  
未相識

詔書亟選山中士我未還山亦徵至潑袍山翠見卿雲  
聖主臨軒正親試君時草疏翻水成三日尙聽摩空聲  
後先引對趨延英呈材不爽

天鑒清我樂閒職君專城日邊小住仍端暇苦憶琅邪

雙白燕堂詩集卷七

七

舊精舍示我紅蘊山館詩讀君碧蘚山屏畫秋風忽散  
雲無數登高望遠春明路了了家山未得歸一鞭獨訪  
匡君去占辭倚馬語難工願誦清芬治譜中且刪山興  
兼吟癖好繼君家大小馮

江西行省爲曼士布政嵩溥題不亦園圖

公居無園寫園意更錫園名作園記胷中邱壑別有天  
腕底樓臺不須地求田未得十畝閑問舍曾無一椽寄  
此園此圖興不淺意匠經營轉求備自公分節踰周星  
園亦南北隨公行凌門太華落几席灘江桂海環軒楹  
平泉綠野信所歷甘棠芟舍如林亭榻來五老披雲迎  
爲公商略開秋屏江流九派嶂九疊鏡中倒影芙蓉青



鑪峯氤氳蕩煙靄護公燕寢凝香清公官一方一圖詠  
卽境卽園圍不定會看行部兼數圻天塹安能割畦逕  
公園日擴圖日多冊尾好譜與人歌鬱蔥佳氣滿縑素  
每以地勝占民和入門虹氣豪猶昔瞥到園中舊詞客  
三年別袂尙粘雲千里租篷忽衝雪感公開閣頻招邀  
更喜公客皆同袍擲圖命我勞且謠知公後樂方陶陶  
萬千芘厦人爭賀公以無園園益大政成原不廢登臨  
奚俟東山說高卧公時擁書時鼓琴令我讀書紆鄉心  
故園松菊半荒落異苔那不思同岑雲龍上下從公久  
我羨公園無不有爲寫江湖一散人補作園中灌花叟

果亭撫部

成格

貽經圖

雙白燕詩集卷七

八

我從碩輔求真儒致君堯舜惟讀書又從清門數通德  
亦祇讀書能報國先生致用由通經宣力偶暇手不停  
先生榮名本稽古還勗後昆皆接武都官回節司爽鳩  
我時索米方依劉名山傍斗開節樓我亦移榻來南州  
莘莘胄子鼓篋投青箱滿貯良弓裘始知經術具原本  
轉以師逸慚湛浮或言梯雲卽英彥幾見華映守文獻  
或言萬石不學文建慶醕謹皆名臣先生一經詔來許  
貽安貽清備楹語書堂深柳春風妍尺五彷彿城南天  
韋侯傳經記本始今之畫圖毋乃是用杜方山不延得  
賢子匪直元成蓋前史長君英臨早世次君英  
杜孫端昌皆從余請業

南海唐務園詩卽題儀徵阮賜卿部郎福圖記卷



後園在廣州城西四十里荔支灣相傳爲南漢昌華苑故址劉鋹歲設紅雲宴卽其地也文苑英華

有唐曹松南海陪都司空遊荔園詩鄭從讜節度嶺南在咸通之末劉鋹竊據已逮宋初相距凡八十餘年楊柳作記且以

唐荔園勝之從其朔也

荔支灣清見底萬樹珊瑚雨初洗蕉花藕花相間開

渲染丹林豔無比林光映水高接雲雲若不紅雲不起

紅雲滿溪香滿汀簷角厯厯如懸星招涼恰趁觀蓮節

買夏還尋孽荔亭園中有買夏亭孽荔亭陳雷才子詞壇主召客

嘗新亦論古已辨西川入貢圖新舊唐書東西川土貢無荔枝更翻南

漢徵歌譜炎州草木足千秋文藻唐賢此舊遊誰復風

流取圖書曹舒州後阮揚州

附同作

英桂鄉巖

雙白燕堂詩集卷七

九

孽荔傾三百名園我未窺展圖資攬勝讀記訂傳疑

顯德昌華址咸通祕省詞苑從劉氏溯鄉本鄭公遺

白雪應千首紅雲又一時瑤華貽阮肇錦樹補邱遲

園爲邱氏別業柳浪隨溪轉荷風帶露披籬疏編枳角艇小

繫瓜皮碧簇龍牙滿丹成鶴頂歛絳枝分摘蠟珠顆

各探驪甲煎圍羣豔丁香綴兩歧一雙銜鳳女十八

捧雛姬倒籠承葵席堆盤間藕絲絕兼香色味恰稱

畫書詩弄月軒頻敞餐霞榼共移買春曾有約結夏

此偏宜南國開新社西樵訪舊陂好乘星果熟攜客

權漣漪

阮賜卿侍節滇南有詩錄別同人作珠江送別圖



因題冊後以誌離懷兼送令弟季瀆孔厚歸揚州

半船朋從半船書不載沉香不載珠贏得新詩傳萬口

自題海上送行圖

胖阿西下接昆州小別珠江說壯遊尚惜十年吟未足

約他詩夢補羅浮

仁風隨節百蠻開天許看山六詔來萬里羨君攜彩筆

乍題唐荔又唐梅

昆明龍潭觀有唐梅數本

儘徵篇詠壓輕裝鶴羽衝風豔錦囊誰似惠連離思好

二分明月夢西堂

哭仲子誠應

并序

道光二年秋畿南大水誠應劫賑平鄉累月積潦中遂

雙白燕尋巢卷

十一

得寒疾明春游災力疾從事事竣告歸疾已不治六年

五月十八日卒於家

已為孤甥泣路歧可堪哭子又連泣而泣楚頌以去冬

浮生草草憐婚宦垂死迢迢慰別離書去尚聞如願

悌禍來轉悔責求思賀蘭山外人知否悽斷鴿原似曩

時循應方自河南承徽解餉甘肅嘉慶辛酉子聞

傳經無分委塵囂忍復傷心逼二毛手版乍拋官濩落

首邱翻累母劬勞澤荒拚為噉鴻殉風緊難望退鷁高

寡鷁童烏猶待哺莫傾老淚漬征袍

十月既望偕錢塘何夢華元錫子方穀濬山陰何

芸生大庚嘉應吳石華蘭修清河蕭枚生令裕德



清蔡爾眉

詩昌

集如臯鄧飛霞

敬輿

西爽園寓齋

賞菊卽席成此

難得餐英到海涯  
淹留竟日語搏沙  
敦槃南國同爲主  
羹膾西風最憶家  
送客正須傾宿釀  
時爾眉卜鄰只約  
伴閒花  
吳郎詞賦蕭郎筆  
石華枚生各  
以新著見示  
和月和雲上壁

德清蔡爾眉尋親歸里詩以送之

人倫能不忝重見  
蔡明經嶺表逢今雨  
天涯聚客星  
征衣感東野  
陟岵下南溟  
持杖將車去  
梅花長短亭

至性真如古奇才  
最擅名前遊探墨  
妙夙好澄冰清  
爾眉  
爲趙湖  
州女婿  
湖海論交意  
江關送遠情  
西河思退老  
畱滯待

雙白燕堂詩集卷七

誰迎子時有仲子之喪

蕉園宮保桃花便面

皋亭十里漾紅酣  
錦浪流春滿袂潭  
剛是重三好時節  
一枝臨水話江南

暗香

題夢華盃花圖花爲水仙奚童盃之

蠻花撲地訝玉沙  
清淺亭亭孤倚省  
識箇儂綽約凌波事  
重記惟有梅花同調攜  
手處一枝先寄怎忘得  
漸老何郎江國舊兄弟  
風味春雨細怕薄煖弄晴

步襪塵起蕊珠淨  
洗不許鉛華帶香膩  
花替人人醜面人更浣  
花枝肩比乞一曲歸種  
好聖湖曠未

滿庭芳

遇章佳將軍西爽園



綠水依園青山隱几旌門大好林泉宜晴宜雨宜海  
月初弦補種黃蕉丹荔樽桑映十丈紅棉最堪愛江  
南蓮葉一樣貼田田神仙行樂地簾波漾水穀霧  
籠煙有酒巾琴拂詩譜棋箋却笑鄭虔樗散到將軍  
第五橋邊還問訊橋東新竹爲我報安便

附同作

成格果亭

林泉深處敞疏寮逢月逢花喜見招隨節溪山兼嶺  
海出簷竹樹總雲霄謝公東墅開三徑何氏南塘記  
五橋許我鄰翁相對飲頻來不厭馬蹄遙

興熟無期數往來石闌點筆坐莓苔蓮塘竹隔參差  
映棋局琴囊次第開腕底煙霞入圖書胸中邱壑借

雙白燕堂詩集卷七

三

池臺分明觴政如軍令一過西園一舉杯

爲翁遂盦學使

心存

題贈公潛虛先生石室傳經

圖遺卷石室在海州城南宋石曼卿讀書其下卽  
東坡和蔡景繁詩所稱芙蓉仙人舊遊處也嘉慶  
中贈公秉鐸此州自課遂盦昆季因作是圖

昔從石室親執經今來珠海持文衡幼時所學壯所行

能以報

國承家聲家聲世德人爭述後昆濟美由前

哲拜石長過問字亭披圖重語談經室談經海上多經

生桃李開遍芙蓉城芙蓉仙人讀書處遠接蘇蔡留題

名英英膝下尤堪羨匪直翹材集邦彥珥筆先登著作

庭擁旌屢出通明殿盤盤秘閣通玉堂萬億千軸窺琳



瑯奇書強半兒時讀不守盈籛守殘籛皮藏何用貯名山只貯便便孝先腹清時經術推堂構絕憶趨庭苦心投畫裏胸山覆白雲廿年手澤常懷袖我愴傳薪學未成滯畱南越負書楹橐中裝薄無新語稱說詩書愧陸生

附同作

成格

桃李芬芳玉樹馨胸山畫裏記雲停百城擁稱芙蓉

坐萬厦開從昔藉廳

贈公倡建海州試院

始信紀謚真國器最

難房杜在家庭昔傳北海今南海通德淵源是此經

正學昌明古藻搜

遂愈學使於署中藥洲得米元章詩石乃從來金石家未著錄者

使星如月映炎州讀書豈藉金籛重持節常懷石室

雙白燕堂詩集卷七

三

遊不負名山藏萬卷卽論世澤足千秋機聲鐙影晷年夢我更春暉感未酬

徐準宜泉初

我讀胸山圖更讀陶山詩

卷有唐陶山中丞題詩中丞刺海州時贈公方爲學

博兩賢相得情見乎辭文翁倡其教相如爲之師會合古所難

展卷幸見之如遊石室間

執經起遐思實學表東海

千載此一時

崇化風四方勸學在敬教

亮哉翁先生小用已大效

匪私一家言詩禮扶其奧豈惟升堂彥梯雲盛文藻

于身于子孫經畚務施報

公子奉庭訓蔚然爲

國華初持東閩節遂汎南越



槎遺經破萬卷詎屑金籀誇橋門講德來鵠立言無  
譁經師與人師奕葉推南沙

小病懷三妹君孚

斜陽淡淡雨微微寫韻窻前夢亦稀卧起無聊頻隱几  
煖寒不定薄添衣傳看蟾子擎葵扇怕放狸奴護竹扉  
振觸閒情憐別久柳花偏傍謝家飛

高陽臺

題佛桑畫扇

宛宛牆陰童童陌上柔條誰見花開五馬踟蹰警教  
人面相窺南交卉木西那譜問前身金粟如來護珠  
幡嬌倚風扶豔倚雲栽 梯鉤影裏穠華好正紅蠶  
眠起彩蝶飛回滄海成田待他移種蓬萊珊瑚柯下

雙白燕壽集卷七

七

會三宿翦朝霞獻上蓮臺羨維摩貝葉圖成蕉葉詩

裁

佛岡司馬徐秋崖

香祖

西園孽荔圖

荔灣買夏傳佳話示我新篇陳拾遺

陳厚甫兵備先有題句

蕉竹

留題城北客桑麻同課海南詩淨圍深翠名園記小擘  
輕紅幼婦詞誰道使君清似水儘探珠顆擷珊瑚枝

爲同北夢憶星郎盧橘楞梅久未嘗分取雙鶯紅露熟  
繫來五馬綠雲涼西園遺跡微偏漢南國清遊愛晚唐

祇恐

皇恩畱不住他時一樹一甘棠

費子勇大令

開榮

歐餘糧儲之季子也自秦入粵



話舊憮然因題其古藤舫詩集卽送之官平遠

迢迢秋水見雙魚  
盼到經年始下車  
食客尙思羊叔子  
貲郎眞得馬相如  
詩多宮體煊金屋  
跡許冰心抱玉壺  
幾夕題襟悲喜集  
看君治譜續楹書

朱通守標羅浮借夢圖卷子

夢遊不識羅浮路  
依約梅花最深處  
萬樹清陰護一村  
萬朵寒香圍一樹  
樹中茆店畫中山  
月落參橫鎮掩關  
祇有吟魂闌不住  
滿身花影看雲鬢  
雲迎花送多仙侶  
索笑巡簷兩心許  
不是花身是蝶身  
欲睡蘼蘼行栩栩  
鰲畔重披紀夢圖  
出山惆悵問題輿  
枕邊黃紙催人別  
五馬能畱翠黛無

雙白燕詩集卷七

五

翁遂齋學使藥洲訪石圖詩并序

廣州學使試院爲南漢藥洲遺址洲有九曜石乾隆丙戌翁覃溪先生方綱視學於此搜剔石上宋元題刻凡

二十八段作藥洲考二卷附粵東金石略獨不知米詩所在嘉慶間阮芸臺宮保纂輯廣東通志亦未錄入道光丙戌遂齋中允始於池中榕根下得之文云碧海出蜃閣青空起夏雲瑰奇口怪石錯落動乾文米黻熙甯六年七月共二十八字惟瑰奇下刻泐一字不可辨耳因作圖徵詩以紀之覃溪先生爲中允大父行先後六十年迭持使節卒使七百餘年詩刻流播人間石墨奇緣亦翁氏佳話也



星文錯落抵珠璣  
花藥欄邊刷薜衣  
不是乘槎人不識  
銀潢清淺覓支機

爲留佳話待詞人  
袖裏雲根護有神  
七百年來藏不得

頑仙擎出掌中珍

詩刻仙掌石下

石掌摩挲問九僊

石有嘉慶三年九題名只在海雲邊  
仙野叟陳疇題記

補完百卷英光集  
那不前賢畏後賢

新編甲子溯重周  
又與蘇齋攷藥洲  
難得一門雙使節

排成九點小齊州

蜃閣青空映碧溪  
綠榕亭外話鴻泥  
一拳續得娜環記

南漢殘山北宋題

珊瑚網徧選餘閒  
補石尋詩鎮掩關  
清比鬱林差勝否

雙白燕堂詩集卷七

祇攜圖畫不攜山

題秋堂聽雨圖詩卷爲許青士巡道

乃濟并序

圖爲乾隆壬戌杭葦浦先生官翰林時宴集之作  
同集

七人各以詩紀事許靖巖先生

鉞

卽巡道大父後有沈

文慤題句皆先大父恭城府君同年道光八年客嶺南

春雨乍晴偶過巡道談燕竟夕得讀此卷奉題長句

天街雨洗西山色  
潑眼秋光照秋客  
秋光如水秋思清

逆作秋聲畫中出  
此圖集賢兼集仙對床翦燭蓬山巔

門前衝潦沸人海  
門裏擘素揮雲煙  
轄投井谷馬喧櫪

泥滑且免騎朝天  
于時諸老方盛年  
頌聲不數虞寄篇

疎堂觴詠聚星斗  
詩社早結南屏前

葦浦先生罷歸湖上結南屏詩社



坐中詞伯有丁卯破暑清談恣幽討

即用靖巖先生詩語

畫圖輾

轉到文孫先澤綿綿流遠道遠道人乘海上

卷如天瓢前者傳經後分節松吹挾雨聽秋濤

講粵秀書院松吹其書堂也

卽今車後春膏徧戴笠相逢玉壺便百

年喬木仰清門千里飄蓬愧傳硯因公述德感荒莊舊

雨今雨情話長按圖好續先賢傳掩卷追思大父行

蕉園四首爲官輔將軍

慶保作并序

蕉園將軍自號也嶺南帥府有園十數畝池亭隙處多

植甘蕉將軍作圖索題

芭苴葉葉大于牆亭角疎紅漏夕陽種紙待添蒼雨滑

眠琴只選綠雲涼半泓孤嶼分三島百粵羣峰聚一房

雙白燕詩集卷七

七

寫出謝公山澤意叢叢深翠護書堂

絳節頻年督八州花陰置驛話前遊心依風雨千間厦

身到雲霄百尺樓鷗舫沿洞通渤澥蜨衣渲染認羅浮

將軍工畫蜨山清海晏萑苻靖草木南方譜試修

一色青旂展翠旌碧天如水翼軒楹吟邊合有清風頌

畫裏常留舊雨聲召伯南行棠作芟亞夫東駐柳隨營

輸公帳幄參差影綠遍榕城又穗城

綠野遙開到海邊戟門深處好林泉樓臺欲起猶無地

花竹平分別有天圖以久傳圍得主文樞賓戲筆疑仙

新題我亦能書葉自翦斜行碧玉箋

寄廬鑑影詩題清河蕭枚生明經圖卷卽送歸省



兼寄董十九 士錫

客遊海上家淮上七十支筇倚間望白雲深處書城開  
中有宣文絳紗帳君家家學世所賢羨君歸誦南陔篇  
臨歧擲我舊圖畫聲影彷彿君髻年髻年苦憶居無屋  
割宅會分外家塾寄巢小鳳總清聲同抱遺經膝前讀  
寒機寸寸知更刻兒讀不成親斷織一卷初完一疋成  
琅琅軋軋籌燈側絹成麤給兒衣食待易膏油更心亟  
不借東鄰逗隙光不從西巷同功績十載凝釭對書幌  
等身書亦如兒長不是疎檠分外明依劉正熟青藜杖  
君外家從此陽元宅相成一時名譽動公卿相逢學荔  
論園處重話牽蘿補屋情展圖內行看瀉備况讀吾鄉

雙白燕堂詩集卷七

六

董生記董生似舅亦如君拜母登堂舊交誼客中送友  
因思友更爲諸賢壽賢母只我征衣漬未乾卅年老屋  
塵封久新漲珠江穩翠航送君昔昔夢江鄉夢他浦上  
茅容宅夢我兒時白燕堂

奉題先師趙先生行藥圖遺像兼送公子庚歸里  
并序

道光二年二月

耀通

應徵在里吾師收庵趙先生命觴

於施有堂同集七人江陰畫士張長生爲寫行藥圖李

鳳臺

兆洛

記之時先生櫻耒疾已十有一年好學好客

未嘗少倦踰年捐館又二年而卜葬適皆以遠遊未得

視事今年秋歿至南海始得重展此圖心折師門旣久



非以主持里選始深知已之情感切心喪長言不足其  
日同集諸子鳳臺而外徐京判準宜丁肥城履恒周宣

儀聯

魏永北襄

詩並及之八年十一月三日記

涖灘之歲皐月中先生絳帳開扶風午安書筴遽疾作  
戾也隨侍年方冲我時客授訝孔亟扶持晨夕常相從  
爲公買藥長安市爲公采藥太華峰沈疴半起半偏倚  
支右詘左書彌工喜公文力果彊健問奇載酒音登登  
公悉力疾恣酬答大叩小叩如撞鐘稍嫌戶外屢紛沓  
更結酒陣交詞鋒我纔避舍請休憫公已絡繹追詩筭  
定公文筆屬商推呼我諍友尤虛衷病中顏色客中誼  
三載操杖情怡融別來此景那堪憶憶我西滯公歸東

雙白燕詩集卷七

五

八年方旋一年出得拜牀下殊恩愬又從三秦走三晉  
饑來驅迫如飄蓬太行山邊捧傳檄

至尊御字方飛龍大開賢路採山澤公以賤子聞  
宸聰遠承驚愧謝不稱恐玷

明詔將譏公徵書交馳急星火不許橐筆停遊蹤歸來  
謁公喜無恙願侍几席甘長終我心師公已卅載白首  
北面非爲恭公勸我駕惜我別爲我選客傾芳醲炭能  
養志咄嗟辦春盤笋鱖長筵豐飲酣槃礴寫行藥四坐  
傳看誇眞容戾年最少未髭頰公倚玉樹如扶筇命戾  
抱示新述作別後盈尺添緗叢古來老病富吟詠士安  
樂天家放翁惟公同病復同壽名山事業靡弗同匪直



遠也久荒落瞻望弗及慚書備卽論數子迴殊俗媚學  
終遜公純功丁魏鞅掌廢柔翰周郎官冷詩鳴窮徐思  
深湛李精博儒林碩學差清通山頽木壞共安仿吾鄉  
後起誰磨礪我投藥籠究何用青蒿欲倚無長松況當  
浪跡遍嶺海心喪雖旣猶忡忡感戾訪我哭相嚮宰木  
急訊公幽宮表旣有待曷敢緩彙集可補慎勿慵巾箱  
什襲出圖卷卷壓萬頃鯨波紅瓣香肅拜展遺像讀柱  
史記思前踪斯年斯地德星聚其芒作作光熊熊豈惟  
大雅不可作墓門霜草經三冬吾儕遊宦亦無定參商  
散處何由逢願戾守圖守先德謹與營藥同緹封戾嘗  
關中靈椿不朽壽蔭茂手線密密征衣縫送戾早慰

雙白燕詩集卷七

倚閭望慈暉報答春方濃

生壙圖爲汪恬園少尹義作

汪君擬擇不食地預築生壙邀難兄頻年捧檄走不息  
壙未及卜圖先成圖中更做表聖例勝日引客墻間行  
伯歌季舞醉拚倒隻雞斗酒懽平生墓門拱木雜花放  
跼接棠棣枝連荆花園丙舍卽書舍對床卷軸常充楹  
如君此樂可忘死觸我懷抱殊怛怛李家花萼好兄弟  
老淚著紙流悲聲卷有中者題句時爲哲兄五矧予一  
初營葬在原之痛情見乎辭弟久朝露少小並命中途傾牛眠息壤正虛左融融大  
隧期相迎今時族葬失古義掌墓但主青烏經陰陽忌  
諱任迷惑昭穆離合滋紛爭形家論說豈足採手足位



次須分明昭宜尙右穆尙左

本越晒族葬圖說

婦人得耐原持

平我圖地域示孫子無禮之禮緣於情證君斯卷羨君

福怡怡白首如孩嬰誠知此宅總閒曠曷學韓昶先留

銘我會訪古到烏石建初碣下新鑄名買山迳冢六昆

弟如見式好思前型

道光癸未予訪得漢建初元年昆

種鳥石山迳

天倫友愛似君少商略何待山貲贏家山

即造省文

如畫便堪買撥沙不用求文卿樂哉斯邱信作達豐碑

無愧題佳城

雙白燕堂詩集卷七



雙白燕堂詩卷第八 庚寅至乙未

武進陸燿道劄文

寄懷阮賜卿雲南

手栽絲柳拂雕闌，漠漠輕陰鎮掩關。人與鶯花同惜別，

一春小住小鄉環。已丑春余留李陸平先生兩廣幕府所居即賜卿之小琅嬛仙館也

金石新編采逸聞，一緘猶溼嶺南雲。廿年曾補歐陽錄，

失喜重逢爨使君。時寄滇南古金石錄與余舊跋爨龍顏碑互有詳畧

五領從官憶秀英，殺青千卷報瑛成。衣囊蕙苴何須問，

儘寫詩書不載行。皇清經解刊成于嶺南用後漢書吳祐事

擘荔搓橙感歲時，驛亭剛寄折梅詞。花前詩思兼歸思，

不戀南枝戀北枝。

雙白燕堂集卷八

庚寅八月廿二日番禺儀墨農上舍 克中 邀遊白

雲山留題雲泉山館卽贈主人孔熾庭孝廉 繼勳

段綉秋茂才 佩蘭

折簡人衝雨，攜筇客趁晴。半山蘿屋小，十里筍輿輕。地

向詩中覓，天教畫裏行。時讀墨農前遊詩畫卷 還疑晴亦雨，逼檻

亂泉聲。

古寺依蒲澗，遺亭問菊坡。嶂分通別館，雲引上盤陀。待

拓山行句，兼傳水調歌。蒲澗寺卽菊坡亭故址有宋蘇文忠公崔杼清獻詞石刻 當

門天宇豁，一角見江波。

九日儀墨農招同蕭枚生經厯湘潭周子堅大使

詒僕 常談言寶侯州判 良鉅 南海桂星垣庶常 文



番馬隲簪石學博培芳黃蒼崖明經松喬段紉

秋茂討秋發山寺樓登高即席圖詠香石詩成次

韻三首

重陽延霽色風雨不須愁共踐巖中諾來看海上秋斷

鴻難度嶺噓蜃欲扶樓初地人初到真如畫本幽

賴此茱萸會憑高遣客愁山情宜放夜是夕出城花氣

不知秋梅並開海月已當戶天風正滿樓輪公能作健

雙屐更尋幽謂枚生子堅

因懷吳季重吳石華學博蘭修未至養病鎮端愁雲外纜三里天

涯又九秋題高攜近局籠燭下層樓更許餐南菊詩僧

興最幽寺僧日居云嶺南菊花十月方盛

雙白燕詩集卷八

二

十九日小病中黃支山大使桐孫偕墨農子堅過

訪因與枚生作展重陽會支山有詩扶疾次韻

山谷詩箒對花發酬我花前展芳節羨君點筆浣山雲

支山行館對白雲山我獨塵齋苦縮瑟灑巾乍減一斗醉選徑猶

遲幾株茁惠然肯念病夫病不使楚然足音絕更傳新

句愈頭風導引萌蘖何時訪君同訪花花韻詩

情商甲乙大子空鈿朵勾圓細如結君詩憂

憂語盤湧持比簪不我鞭古心逐東野同攬秋

悲不離三首周蕭雲為勸眠琴歌

謝有常詩嶽雲堂作餐英之會小病甫愈詩

謝有常詩



餐英迭展重陽節昨展一旬今一月客來不速花肯遲  
逸興幽芳對秋發秋花乍發秋人病西風瘦與花枝並  
攜花訪病客頻催病淺秋深花轉盛愛花爭說江夏黃  
美人滿座花滿堂萬花留客圍秋光冷吟千首傾千觴  
我聞佳約阻攜手兀兀不飲焉能狂傳箋謝花報花主  
勝賞行當就花補知花定復憶維摩乞與餘英注花譜  
十二月立春日子六十初度枚生邀作踏春之遊  
遂與鄞黃支山宛平謝雪堂世瑞湘潭黃棣樓杰  
周子堅諸大令命酒社仁坊行館復從嘉應吳石  
華博士探梅粵秀山懽然累日同人卽席投詩枚  
生縷述生平更貽長句成此奉酬

雙白燕堂詩集卷八

三

統統臘鼓喧雙門土牛笑出驚鞭春蠻天不雪亦不雨  
一城人海衝街塵竭來城南走城北蕭侯攜我尋春人  
周郎謝客二黃子青楊巷曲聯比鄰軟紅不到春已到  
舊社喜見桃符新入門圖史致錯落玉梅花煖開芳樽  
買春召客爲花壽壽花與客同生辰花前卜晝復卜夜  
更約選勝期侵晨吳剛種花闢花徑手弄晴雪披香雲  
石華於學游堂偶乘春風作先導敢證明月矜前身支  
種梅數百本詩隨花登山入山腹洞天磴折凌重闔此中那識酒星  
聚盪胷八九南溟吞當筵歌聲出金石逸情賡唱詞璘  
玢曲終調絃憫沈頓清句沃我如醪醑一人知己可不  
恨况數豪翰皆吾羣吾儕性命托良友交道重乃文章



神羣公努力縱譚笑吐氣正足施經綸如子出處兩無  
補一官極冷慚朝紳石田茅屋亦荒穢衰謝苦憶平生  
親襟期雖同恐非昔垂垂花發催悲辛今晨何晨夕何  
夕使我忘老忘適適生前相遇豈辭醉得錢卽覓何憂  
貧客懷浩蕩似春酒南飛野鶴誰能馴向禽瑣瑣願麤  
畢雲山笑我遲游巡請先公等試腰脚羅浮散步遵海  
澗

附贈詩

黃桐孫支山

古雲生香散晴雪暖意濃于臘醅發烏聲喚取江春  
入同與梅花作生日先生生共梅花春逸格高情兩  
清絕得春最早養春遲盤曲詩腸寫花骨相將嶺外

雙白燕堂詩集卷八

四

對一枝芳尊管領春風節記生坡老後三朝笑向羅  
浮證明月

黃杰棣樓

江東畸人海南客自汲清泉煮白石峰巔勸飲流霞  
觴長嘯高雲粵天碧粵天梅柳爭芳春得春生與春  
同辰醉來更踏蒲澗去便與安期作比鄰

周詒樸子堅

劭文先生詩中僊釣竿遠拂珊瑚煙翛然寄跡大海  
孺周甲恰值春光妍蕭郎意在春風先奪取造化歸  
春筵樹海作酒花作天願先生醉春風前先生醉抱  
春月眠羅浮春證梅花禪胷中吐出春無邊散與人



間作大年

蕭令裕枚生

致身那復占遲早六十平津猶未老今時不望古時  
同一官頽然已秃翁憶翁少日聲名盛台宕清遊恣  
探勝詞章經義何紛綸定香亭筆談津津安平饒客  
羅羣雅漢上題襟過江夏冷笑宣尼不入秦重關百  
二往來頻經摹唐代開成石碑訪隋家太僕文中南  
仙館邀江月客裏華年換華髮已知薦達久無人誰  
分衰遲還詣關

今皇御宇大科行公車特勅蒲輪徵虛餐苜蓿三洲冷  
獨對寒釭二等明榻來作客同轡府感舊悵悵話羈

雙白燕詩集卷八

五

旅白駒過隙幾多時顏駟爲郎復何取君不見章佳  
總統收滑臺萬言草檄需鄒枚蹉跎未賦從軍樂看  
人孔翠影冠綉又不見東陽故人守平定菟裘欲爲  
營三徑陽羨求田計未成吹笳已向天山聽丈夫骨  
相不封侯更不歸休下澤遊白頭幕府平生負羸得  
扶胥啖荔留末契從知託年少宅心和厚平矜躁周  
甲能教氣益充逢辰恰喜春同到坐中佳客盡吾曹  
競折梅花當露桃百年氣誼聯今雨萬事升沉付暮  
潮在昔經師多壽考張蒼轅固鬚肩皎安樂都緣見  
道深性真不爲浮榮擾賦就新詩履道坊願隨歸杖  
到江鄉明年今日雲溪權載酒來登白燕堂



山陰馮八少尹

習七

自南昌度嶺話舊投詩奉酬

三首

眼明珠海畔喜見小馮君問我歸何日憐伊別似雲廿  
年仍遠道千里又同羣奈隔重城兩題詩惜夜分

騎羊尋穗石射鴨別花洲東閣成殘客西江幾上游

居方恭勤董文恪幕府今方公子庚籤訪槐橘丙舍感  
傳穆守饒州董公子斯福守建昌

松楸在南海三宿經三度從君憶舊遊

試覆枯碁局樵柯爛豈忘前塵共西笑今雨忽南荒五

斗空隨檄千金少辦裝紅雲畱客好買夏過溪堂

蕉園將軍於粵秀山道觀葺吟風閣繞閣種梅數

百本探賞索題

雙白燕壽集卷八

六

野梅移插滿林垌健步能來屐未停直上高邱觀遠海

新成傑閣頰迴汀山當南漢呼鸞道花似西湖放鶴亭

清絕廣平留芟處年年晴雪照元局

汪二恬園自嶺南護餉北上假歸里門爲伯子靜

山體仁介壽徵詩成此卽以贈行感其友于之篤

也

贊府辦裝急別我趨京師不憚衝寒行色然喜陳辭陟

岡懷哲兄遙音叶堦篋兄長吾二齡六十今日耆嘉平

月初吉恰值懸弧時媿年長於兄同心壽齊眉吾兄篤

孝友學行吾師資上以誦清芬下以示型儀先人創譜

牒表系分宗支兄也繼厥志續古勤靡遺播穫先祭田



堂構先家祠誨善無倦容拯乏傾微貲姱修頗食報餘  
慶聖豈欺孔釋親抱送晚得甯馨兒新居御史橋半舫  
臨明漪軒窗有古意圖史兼尊彝兒能讀父書繞膝聲  
嗚咿朋舊頻過從婦子皆和熙惟憐季行役新霜上吟  
髭憶昨十載前洛川進華芝預想十載後縣車未爲遲  
瞻望迨其今安能同一卮乘此捧檄行公畢可治私北  
去雪皚皚南歸柳絲絲紆程得優假艤艇河之湄入門  
展家慶兄弟相怡怡遠歸

聖恩厚老健天公慈稱觴酒剛釀剪蔬茶如飴共被護  
宵寒勸餐及朝飢東齋竹添篠西堂草生池亦有桃李  
園秉燭遊忘疲壽兄博兄權挾掌勞奚辭惟兄性高愴

雙白燕詩集卷八

七

官物非敢貽願乞令德言一字千金施我愧非其人何  
以慰臨歧羨子天倫愛增我天涯思悵悵語兩心靄靄  
停雲知青春伴還鄉我駱追君驪我本煙波徒畫船載  
相宜祝君好兄弟同保黃髮期

君家水榭顏日半  
舫曰煙波畫船

學海堂座中晤嘉應古海初

炳乾

臨桂顧藹庭

楮

兩工部海初來自連山軍中與藹庭同寓濠畔街  
作竹窗夜話圖索題因成長句以贈兩君

北齊文苑古道子雅有局幹官田曹海初海初豈苗裔  
聲名官職承清標南來相聞未相識忽喜蠟屐逢山椒  
文翁石室振學海翠壓粵秀羣巒高大開軒楹列檠敦  
德星厯厯明秋宵坐中水部有二妙君與顧凱官爲僚



入常同直出同乘近結行館同臨濠舍南舍北植修竹  
竹窗對榻譚深宵清光扇壁月皎皎繁響戛玉風蕭蕭  
嶺南冬初似春杪夜氣尙暖秋聲消入林把臂語莫逆  
交淡如水醕如醪秋堂良話紀圖詠筆意直逼王山樵  
元王濛有秋窗良語圖我家齋東亦彷彿竹篠迸過參佐橋平生  
愛竹愛客看白板時有吟筇敲年來三徑久荒穢籜葉  
簌簌堆衡茅故人投牋抵情話遠爲猿鶴勤相招年衰  
遊倦合歸息素約肯負羊求交昇平事業屬君輩青雲  
接路搏扶搖昨者幕府籌平猺胸有武庫陳戎韜歸來  
抵掌唾壺缺欲買餘勇排軍寮賊搖負岫之或崇文術  
藹庭時注或經武術本共貫非殊條君輩安能在巖壑  
豐湖講駐

雙白燕堂詩集卷八

八

東南美箭輪 中朝祖生著鞭可方駕田郎題柱宜聯  
鑣知君聞雞奮舞袖送君躍馬催封軺

癸巳上巳風雨中初秋邀同陳範川中翰鴻墀周  
達夫大令以焯登白雲山修禊蒲澗範川投詩卽

酬長句

城南衝風出城北碧山蒼黃白雲黑鼉喧蛤吠鷓鴣喚  
山雨欲來行不得前徒先登腋生翼後侶相呼勿停策  
狂飈掣我肩輿帷衣漏無瓦愁崔嵬一山濃翠溼作堆  
一山隱隱聞驚雷元龍豪氣折不同一輿一騎穿雲開  
屐聲凌虛瀑聲急馬鬣直挾天瓢來今晨何晨勇齊賈  
禊事應修典堪數祓除宜水詎宜山盍汎珠江涉香浦



山神訝客蹇然音喜客振奇匪泥古菖蒲小澗不勝杯  
添注新泉足新雨激湍倒峽任翻盆曲水引觴能載羽  
茲遊選勝劇幽曠似滌塵襟宴瑤圃不攜柳枝歌不徵  
柘枝舞玉壺清賞錦牋題觴詠山陰序先補君不見拍  
肩挹袖幾遊人或致青雲或黃土升沉振觸自年年吾  
輩悲懽亦天與在山泉比出山清況有愛山賢地主頻  
來不厭歎山肩櫻筍芳期更無阻先生興酣發高唱覓  
句雲邊邀繼組晚風送客吹袷衣投林喜見乾鵲飛鸞  
鸞初月隨人到羨殺山家上冢歸

附同作

陳鴻墀範川

被除修禊例近水舍後一水搖風潭先生忽發看山

雙白燕堂詩集卷八

九

興要攬爽氣開煙嵐登高臨流忽倒置變易九九移  
三三孟婆怒我作狡獪頃刻雲物奔趨顛風徑欲  
挾輿去騶卒奮迅三丁男緹油垂幕障四面困卧瑟  
縮僵眠蠶雨中到山景不惡蒼翠一徑趨精藍泉聲  
泠泠雨聲急默坐對客神清甘萬木植立北窗外楓  
檜竹柏松杉柵枕椰垂垂絡馬尾狀所未睹誇嵇含  
初枕上坐小閣有若燕子山中龕聽歌惜未呼賽  
姐訪舊悔不借何搢須與酒榼送急遞宛轉茶具分  
都籃飯振盤游足小飲境過根觸資深譚去年程春海  
李子纒□□拍肩挹袖來停驂程君紫禁遠莫致  
李子黃土嗟何堪功名豈復慕王貢壽命詎必齊彭



聃人生行樂貴適意況有林壑窮登探狂歌大笑出門去  
露色已見天西南衝泥覓路撥榛莽咫尺厯盡東西庵  
茲遊大風爲吹垢急雨洗處湔裙諳菖蒲之澗響灑灑  
蘭亭曲水真無慚天公晴晦豈有定人世哀樂原相參  
歸途日落亂山暝迴望雲木紛參覃黃留離聲正堪聽  
更挈斗酒攜雙柑

韻章佳官保將軍自南海還京錄別攄懷賦呈六十

恩門溯通德公我大父行大父師文端重公守青箱適也  
侍公早阮相雲臺先生先稱敷時公始分陝西笑趨巖疆  
重關駕執路大厦恢中唐行幢來竹林東甫先生出塞幕府推

雙白燕詩集卷八

十

縱陽方襄勤時撫陝右桓桓兩干城復有西川楊時齋制府于誠村提督

時景星聚下士參翺翔牛心忝高座旗鼓詞鋒當朱浮

靖江中丞我舊雨代公典西方諸節競熱維別公淚浪浪公

移泰岱雲灑潤臨吾鄉周南我畱滯勞公問歸航公厯

八州督節鉞遍四荒雲泥一相失忽忽十載強

龍飛紀辛巳有

詔求賢良濫竽愧承檄卻避思褰裳時公發僊霞回節

朝

天間迎公錫山驛送公過維揚期我晚成器趣我亟辦

裝迨我詣闕下左輔公乘障便欲從公遊索米艱春

糧開官尙需次饑驅涉南昌遂越大庾嶺肇荔攀樽桑



恰逢兩節使倦舊同扶將乙酉借果亭中丞自江西隴

占西垣宿下應南交祥旌旗海上來見公喜真狂公言

會合奇睽別差可償瀛壖久清晏年穀多綏康威稜徒

頑鯉仙馭乘馴羊每以軍政暇選客登詞場習池水平

砌米石山盈房停琴鳥窺戶列屋書連床逍遙敞虛閣

戰衛聞凝香公吟左司詩勸客傾一觴同時帳星移天

節遙相望崇牙建南詔雲臺先生生果亭先

鳥齊惟公鎮百粵借恂久胥匡奮武兼揆文絃誦隨爰

斯頗思遂初服煙霞憶山莊峒搖午蠹扇王辰夏連山

事臺寇旋披猖是秋嘉義有陳辦等倡亂公方繕兵甲戒備勤籌防

壯哉翼鏖翁未草陳情章提書喜交馳次第清櫓槍

雙白燕書集卷八

七

聖主眷耄老縣車恣徜徉

優假公北歸樓船旆央央郊坰擁几席津埃追壺漿官

僚不忍別軍氓不能忘矧我世作求期待踰尋常壯歲

入公幕白首依公旁衰頹久伏櫪無分期待騰驥畱公願

莫適從公道何長出祖正藹藹望塵已茫茫離情似春

潮洞沂增汪洋自崖客同返我獨行偃偃坐公蕉林館

陟公梅花岡公營植細柳公舍畱甘棠臨歧拂圖卷詩寫

別圖珠江送述別紆中腸祝公世濟美祉壽咸無量若為頌

勳勳羣雅辭能詳

息圃五老圖

鄧黃東井太守定文曾攝常州歸田後與老友四人燕游息圃中圖詠紀

事公子支山

大使請題



甬東社會盛前代槃敦迭主西南湖謝山繼起領文獻  
私淑艾者公其徒公以經術節吏治最績百粵遷三吳  
吾常政美比前哲晉顧梁范唐獨孤迄乎南宋數林守  
與公四明同居吾家放翁作碑記記復水利疏通渠  
聞公師古志興廢訪我惜我先饑驅我乘仁風返鄉國  
迨釋負擔公縣車近從吳會客嶺表適見公子同唏吁  
誦公遺編述遺愛肅拜遺像心瞿瞿公思遺安遂初服  
子秉遺訓爲醇儒于時星聚盡尊宿上應東井連南弧  
前賢不朽後賢作大雅賴有耆英扶公言今是匪獨樂  
寇恂得借斯交愉大雲還山尙安仰矧躡箕尾凌高衢  
我觀公子守先德兼及先友恭敬俱其才其學信有本

雙白燕詩集卷八

三

其志不隨流俗趨宦成早反先人廬息圃息壤良非虛  
他時舊社添新詠更讀支山歸杖圖

常熟蔣伯生

因培

自楚南再至粵東時寒疾甫愈

卽爲予商訂金石文字攷證五十餘卷文力殊健  
不自知其身之困也秋風旣起予將先歸伯生出  
示紀遇懷知追昔游諸圖臨歧愜然不能成詠勉  
書四十字於冊尾

七載恩惠別重逢喜可知旂常看世美

公子奇男刺史以平糶奏續

金石證交期豪思祛貧病狂言感

聖慈君來吾又去振觸昔游詩

將省家叔父於貴溪秀水錢衍石給諫儀吉以詩



寵行次韻留別

勞薪始求息頽翮始求靜往者不可追流光去如騁三  
度客函關八年陟庾嶺吾衰悵仇別浩然獨言歸感我  
子錢子惠風拂征衣贈言書屬奈何高岡鳳亦偕南鶴飛南  
飛南斗旁迢迢見京國

至尊闢賢路非常

賜顏色自君簪霜豪風采動宸極文筆駕班馬圖史  
探周秦蠻荒瘴癘地同調難其人君歸及良時吐氣思  
經綸拭君連城壁懷君明月珠待君薌溪邊歸來莫躑  
躑花間催置驛竹裏辦行廚

附原作

錢儀吉衍石

雙白燕堂詩集卷八

三

喧喧輿馬場見子令人靜縣崖中駐足知不屑馳騁  
慰我天涯心君亦久踰嶺踰嶺固已久我至君奚歸  
友朋商去住忽已闕衽衣颶風萬室破其羨征帆飛  
帆飛飛以北嶺西信樂國阮公方為宰家庭展顏色  
傷離一紀餘關河望無極關河習行旅夙昔在咸秦  
羸珉蒐祕異青史諍古人目近頤拂案著錄何紛綸  
紛綸束行笈畱贈雙明珠相逢中年後相別更躊躇  
還期江梅發同醉步兵廚

中秋日臨川李薌園觀察秉銓攜客載酒追送於

三水道中為蕉園先生介壽詩以侑觴徐小樵公

子乃溥同作



一竿

天許拂珊瑚招得煙波舊釣徒八月星槎回北戶九霄  
冰鏡傍南瓜碧簾翠舫秋同溯玉宇瓊樓興豈孤腰笛  
便須歌水調乘風歸去笑相呼

南飛野鶴正徘徊恰有閒航載鶴回歸岫高雲天錦挈  
趁湖涼月海珠開裳濃尙擬留仙節棗孰剛逢獻壽杯  
公戀梅花花羨我送公直過嶺西來

十六夜大燕口對月

昨宵載月木棉塘似鏡團團照舉觴長汝送人人愈遠  
爲人昔昔減容光

照儂歸夢照離情減一分圓遠一程只有隨人舊時月

雙白燕堂詩集卷八

十四

似龍城亦似羊城

二十日英德道中

千帆如馬下晴空只我輕舸滯短篷緩緩看山過英德  
不嫌三日石尤風

觀音巖

一拳高百仞半壁壓千檣石腹經龕背山腰驛路長探  
奇思海嶽訪古證滄涯好借迴風便疎帆趁夕陽

二十二日自沙河至彈子磯

蕭蕭颯颯轉前灣疑到黃蘆苦竹間且喜拓窗風小定  
一江密雨染秋山

連山溼翠接蒼蒼路轉峰迴送目忙山上白雲山下水



半含殘雨半殘陽

歸舟小病寄呈季父兼示從子恩應兄弟

十載嶺南北萍蹤不可尋  
倦遊催客鬢小病警鄉心  
篋有訪碑錄囊空買賦金  
同攜謝家屐早返碧雲岑

將至曲江有作

看山偏對雨一舸載離愁  
避漏移孤枕禁寒憶敝裘  
半帆風色定雙櫂水聲柔  
明發韶南郭初陽豁倦眸

二十七日曲江抵始興

聽風聽雨枕秋江  
幾日扶頭閉水窗  
恰喜初晴病初起  
拓篷初見蜨雙雙

山廚香過燒山藥  
水驛陰多蒔水松  
二頃若營先自斷

雙白燕詩集卷八

七

半栽苜蓿半芙蓉

九月三日過梅嶺

雙流夾澗玉潺潺  
石磴煙蘿一徑攀  
北雪隔江鴻避嶺  
南雲爭峽鶴當關  
天風十里香成國  
海日三冬翠滿山  
笑我看花來太早  
待移健步照塵顏

南安曉發

飛湍擊峽走晴雷  
快槩輕篙下瀨來  
船尾乍分雙澗落  
石拳纔放一帆回  
江涵曉鏡光難定  
山展秋屏翠不開  
偏是北風吹漸緊  
滯人歸夢鬱孤臺

九日自儲潭達綿津蕉園先生邀作茱萸之會詩  
以紀勝因寄範川編修



贛南贛北山峻嶒乘此佳日扶筇登惜哉風利不得泊  
樓船下瀨如超騰將軍傳呼集賓友橫槊臨江合醜酒  
連檣踏浪行厨來十八灘前作重九分明軍令催題餠  
當筵健筆徵詩豪我時右酌茱萸醪虛左只待持霜螯  
狂歌醉詠驚潛蛟义手不暇揮纖毫但覺風帆疾如馬  
飛楫倒擊青冥高兩度清遊破成例數典全翻歲時記  
三三衝雨劇登高九九嬉晴適修禊編修上巴登白雲山詩有登高臨流忽倒置變易九移三三之句寄語元龍百尺樓的應天際羨歸舟可  
能來展黃花節同嘯匡廬最上頭

抵貴溪有日矣夜分不寐乘月放舟

枕流人倦未成眠喜挂風帆抵著鞭載月空行天不夜

雙白燕壽集卷八

其

湖雲飛度水無邊征途又別臨江閣歸夢如求縮地仙  
幾夕謝庭增悵望定攜弟妹話燈前

甲午六月二十日自皖歸常時趙滁州仁基引

對北上錢筱南上舍符神李子喬茂才嶽生亦以

秋賦偕行同人集於迎江寺樓舉歐陽文忠生日  
之祀以當祖餞賦此錄別卽贈滁州

去臘一帆衝雪來坡仙生日同銜杯今晨命觴壽六一  
六月觸暑連檣開檣不開集賓友祖席江亭各招手  
過山山雨送人行人與江山誰不朽使君盛年才莫當  
奏最治行餘文章後公一日紀覽揆恰躡公躡官滁陽  
滁陽竹馬兒爭路勿訝使君來轉暮



玉詔新除

寵錫頻腰金首翠朝

天去更看新輩共青雲雲路搖鞭惜暫分請聽醉翁琴

撥語席間趙孟文彈琴似翁心跡瓣香薰愧我謬推鄉祭酒白

髮頽然成退叟與君同發不同程釣船歸櫂蓉湖口千

葉芙蓉一品蓮碧簫香裏勸離筵擁行畱過花生日借

頌前賢祝後賢

王學愚旦愛石圖題辭為先友錢魯思先生伯

手錄學愚子國棟哀成巨冊乞予補題書後一

首

天星墮地凝不銷愚公愛之成石交石不能言或憑語

雙白燕堂詩集卷八

七

妙解快挹羣言高高文海內流傳久此石此圖同不朽

一時翰墨總千秋法書況出思翁手心許題詩已卅年

竭來挂劍墓門前展圖為續前賢傳讀畫如披感舊篇

賴有後昆能世守紀月編年錄誰某斯卷長畱天地間

人欲知君視君友

汪叔明秀才明以湯雨生協戎所畫借書乞酒圖

索詩時予有皖江之行即與叔明誌別兼示雨生

白下

汪倫善畫癖愛畫示我長卷開煙雲借書乞酒等閒事

墨妙劇有湯將軍將軍文采擅三絕佳士相逢斯點筆

一圖初成索詩亟要我白門申諾責白門字借周郎居



行厨有酒架有書君來痛飲恣熟讀願借所借爲君娛  
小隊郊垆書畫舫又看驢背頻來往翰墨能傳兩地心  
畫圖別作千秋想愧我栖栖數問津醉鄉尚有讀書人  
遺經獨抱已衰朽殘杯到處成酸辛亦有草堂留未久  
挂瓢攜笈恣恣走高歌青眼最相望倘遇將軍話良友  
乞寫離情寄所思龍眠山館證歸時從予竹籬齋東飲  
讀子桃花潭上詩

題趙用孚

受豐

四十小像

我未識君先讀畫君來訪我卽徵詩詩情畫理惟君解  
正是蒼茫獨詠時

水村山郭覓題名向路勞勞我更行每遇郵亭訊亭長

雙白燕詩集卷八

六

幾人能識趙長平

今時流水古時橋君巷南條我北條隔岸聞聲偏耳熟

倚樓橫笛勝瓊簫

咳詩早補采蘭篇夕秀朝華啟後賢最是停雲泚水上

憶君先德似君年

贈六安楊葆卿監丞

宜之

卽題其華省三圖并示

郎君鳳檢鳳書兩秀才

玉宇曾傳水調歌最高寒處近如何圖來翰墨緣非淺

食徧神仙字不磨三省三遷通籍早一官一集著書多

日邊舊侶應相憶未許青藜換綠蘿

知君名早識君遲痛淚同揮不自持歎逝忍披花萼集



謂哲弟月崖 詠懷空賞竹林詩君與先叔父祁孫先生同年恒之 廿年從事畱泥爪 三世論交感鬢絲 問字我慚荒老學 草元亭在有餘師

書城歌贈六安王藥坡明經

溥

先生心兵銳莫挫迎 及堅城無不破 經郭史郭八達開 南面專城擁書坐 書城充棟兼鑿楹 都典一城連百城 城列百雉書縱橫 先生度書匪矜博 多見多聞能著作 先生著書匪好高 實事求是昌

皇朝

皇朝通儒數江表 江程金戴方 劉姚我徵文 獻六安國 一國善士多新交 先生辨方領壇坫 建旌提鼓聯英豪

雙白燕堂詩集卷八

九

辭林義府藝業備學者宗 匠今蕭包懸門同文轍 同軌 箴可津逮梁通濠 君家遺編足談助 潛夫著論尤超超 况聞七志括劉略 蓮府表上爭傳鈔 仲宣習羅富如笥 數車詎借中郎饒 看君高雅啟房杜 通經致用非虛褒 一門鏗鏗守石室 奚止別集留東臯 卽今崇墉已岢岢 築不息版猶忘勞 此中壁壘有奧府 退舍不敢窺 登巢 讀君書城圖 發我書城詠 書城誅蕩對名山 我處窮鄉 不知徑老學庵荒 舊詩境遙望層城 額先慶許我入盟 城下請

聽蟬吟三首寄答蔣仲軒

如筠

固始卽爲題畫

我與蔣侯別闊絕 不可言遠 別湖卅載 近別踰十年 頃



遊古六國誦君夢城箋六夢但咫尺執訊常稽延豈不  
思褰裳各以人事牽賤書述相憶土思尤綿綿示我倚  
杖圖索我聽蟬篇聽蟬鄉樹好待我柴門前

柴門在何許乃在雲溪南溪南我舊居對君徑三三君  
家門前水流我門前潭我家門前柳高影垂穆穆涼蟬  
抱葉鳴響落君書奩我少徙東第白燕隨呢喃淒切復  
淒切昔夢溪堂酣西風說消息話舊情何堪

君家外兄弟我早交洪厓

謂社甫

邀我從羊求時時過君

家當年有長板紅闌跨溪斜相攜上垂虹東月西明霞  
新蟬晚逾噪聲聞羣蝦蟆聯吟答高唱賦筆清河誇蛻  
仙儂朝露遺響淒悲笳生存釣遊侶各滯天之涯斯圖

雙白燕堂詩集卷八

三

最相警與子覓歸槎



雙白燕堂詩集後序

詩之教溫柔悱惻而已溫柔者志悱惻者情情志所發無非韻也有韻則雅無韻則俗有韻則遠無韻則跼物色在于點染意態在于轉折情事在于猶夷風致在于綽約語氣在于吞吐體勢在于遊行則韻之所生矣唐人李杜無論韋孟以本色見長元白以真率成家温李以麗藻自飾皮陸以伉爽獨標皆取諸神韻者也國朝風雅以阮亭尙書爲宗其于詩亦尙韻一時分鏢而馳者竹垞之綜博愚山之平易皆取之于神理後來厲樊榭以縟美鳴于浙亦不乏秀韻焉吾友陸君劭文灑瀆三唐者也其性情婉摯纏綿其學問沈博絕麗其

雙白燕堂詩集後序

一

吐屬和暢蘊藉故其見之篇章者逸而近風莊而近雅其悒悒宛轉具有點染猶夷吞吐綽約之美足以兼阮亭竹垞愚山之勝而于樊榭爲尤近其得于韻者深也終身不遇晚以特科邀一廣文又甫任而歿詩之窮人固如此耶君之立身行己已具于予所爲志墓文遺詩八卷令子循應傳應刊布之問序于予予故稱情而言之焉道光十九年三月朔日愚兄李兆洛譔



雙白燕堂詩八卷集句詩二卷族父劭文先生所著道光壬寅鏤版於毘陵曾與較讐之役兵燹之後板片化為煙雲子受弟就原本重付剞劂屬再審定又更正譌誤如干處昔人云校書如掃落葉信矣憶往日親承聲歎獲益良多今已四十餘年話言如在而田光精消師丹忘事恐今日之是旋成他日之非容續有所得作較勘記於後可耳時同治丁卯孟冬月族子黻恩謹識

雙白燕堂詩集跋

雙白燕堂詩八卷集句詩二卷族父劭文先生所著道光壬寅鏤版於毘陵曾與較讐之役兵燹之後板片化為煙雲子受弟就原本重付剞劂屬再審定又更正譌誤如干處昔人云校書如掃落葉信矣憶往日親承聲歎獲益良多今已四十餘年話言如在而田光精消師丹忘事恐今日之是旋成他日之非容續有所得作較勘記於後可耳時同治丁卯孟冬月族子黻恩謹識



